



Broj: T18 0 KT 0018858 25
Brčko, 12.06.2026. godine

Optužnica potvrđena dana: 16.06.2026. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

O P T U Ž N I C U

Protiv:

A. G., rođen 1975. godine u Brčkom,

Što je:

Dana 26.09.2025. godine, oko 19,30 časova, u raskrsnici ulica Petra Kočića, Braće Ćuskića i Nikole Tesle, Brčko distrikt BiH, iako svjestan da je u takvom stanju očigledno nesposoban za bezbjednu vožnju, te da može ugroziti javni saobraćaj i dovesti u opasnost život ili tijelo ljudi, na šta je i pristao, suprotno odredbi člana 36 stav (1) i 174 stav (1) Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“ broj 6/06, 75/06, 44/07, 84/09, 48/10, 18/13, 8/17, 89/17, 9/18, 46/23, 88/23), sa koncentracijom alkohola u krvi od 2,92 gr/kg, u fazi jednostavne obične alkoholisanosti koju karakteriše konfuznost, pospanost, usporeno razmišljanje i rasuđivanje, izražene psihomotorne usporenosti u oblasti opažanja, pažnje i reagovanja, uz slabiju procjenu situacije i prostorne orijentacije, upravljao pmv marke „Opel Zafira“, registarskih oznaka, krećući se ulicom Nikole Tesla iz pravca Potočara ka raskrsnici Braće Ćuskića i Petra Kočića, koja je regulisana svjetlosnim saobraćajnim znacima, pa je, po dolasku u raskrsnicu, bez zaustavljanja i propuštanja putničkog motornog vozila marke Peugeot, registarskih oznaka ... - ..., kojim je upravljala vozač N. G., i koje se kretalo iz suprotnog smijera, ulicom Braće Ćuskića u pravcu ulice Nikole Tesle, započeo radnju skretanja ulijevo u pravcu ulice Petra Kočić, kojom prilikom je prednjim lijevom dijelom vozila kojim je upravljao ostvario kontakt sa prednjim lijevom dijelom vozila „Peugeot“ kojim je upravljala N. G., kojom prilikom je N. zadobila lake tjelesne povrede u vidu istegnuća vratne kičme

dakle, pod uticajem alkohola upravljao motornim vozilom iako je zbog toga očigledno nesposoban za bezbjednu vožnju i time tako ugrozio javni saobraćaj, da je doveo u opasnost život ljudi, pa je zbog toga kod drugoga nastupila laka tjelesna povreda,

čime je počinio krivično djelo – Ugrožavanje javnog saobraćaja zbog omamljenosti – iz člana 327 stav (1) Krivičnog zakona Brčko distrikta BiH.

[...]